



**JUSTICE UPDATE**

Periodu : Janeiro 2009

Edisaun : Janeiro 2009

## **Lejitimidade Desizaun Tribunal ba Kazu Fundus Estabilizasaun Ekonomika (FEE)**

Iha loron 29 Agustu 2008, membrus Parlamentu Nasional (PN) nain 16 hato'o requerimentu examinaun materiil kona ba aprovasaun Fundus Estabilizasaun Ekonomika (FEE) ne'ebe antes ne'e PN aprova ona iha loron 5 Agustu 2008. Em prinsipiu requerentes sira husu ba Tribunal Rekursu (TR) atu deklarar invalidu tuir lei/nulidade insanavel Fundus Estabilizasaun Ekonomika (FEE)) ne'ebe PN aprova ona. Baze legal husi requerimentu ne'ebe membrus parlamentar nain 16 hato'o refere ba Konstituisaun RDTL no Lei Fundu Petroleu 2005.

Bazea ba requerimentu husi membrus parlamentar nain 16 ne'e, TR Timor Leste iha loron 13 Novembru 2008 tinan kotuk hatun desizaun inkonstitusional & ilegalidade kona ba fundus estabilizasaun ekonomika ne'ebe PN aprova tiha ona. Juiz kolektivu kompostu husi nain tolu iha TR hatun desizaun ba requerimentu balun sorin ne'ebe membrus parlamentar nain 16 apresenta ba. Akta desizaun husi TR ba requerimentu hodi halao apresiasaun judicial ba FEE mak hanesan tuir mai ne'e <sup>1</sup>:

1. Osan tokon US\$240 ba fundu estabilizasaun Ekonomika viola artigu 145.2, 95.2 (q) nomos 115 (d) Konstituisaun RDTL.
2. Hasai osan tokon US\$290.7 mos viola artigu 8 & 9 Lei Fundu Petroleu 2005 ho nune'e osan ne'e konsidera ilegal.

---

<sup>1</sup>Akta desizaun ne'e JSMP asesu liu husi website. [www.laohamutuk.org](http://www.laohamutuk.org). Substansia desizaun JSMP sumariza no tradus tuir nesesidades hakerek nain

Asuntu substansial, iha akta desizaun TR deklarara FEE viola artigu 145.2, 95.2(q) no 115(d) Konstituisaun RDTL nomos artigu 8 & 9 Lei Fundu Petroleu 2005.

Bazeando/refere ba primeiru desizaun husi TR ne'e, Prezidente PN hato'o reklamasaun contra desizaun ho intensaun atu halo anulasaun ba primeiru desizaun. Maibe iha loron 22 Desembro 2008, TR hatun segundu desizaun hodi deklarara fortifika primeiru desizaun<sup>2</sup>.

Depois de TR hato'o akta desizaun ba PN, hamosu polemika bo'ot no sai nafatin hasoru desizaun TR kona ba apresiasaun material ba fundus estabilizasaun ekonomika ne'ebe aprovadu husi PN. Polemika ne'ebe mosu durante JSMP observa, hamosu diferensias opiniaun/pozisaun mak hanesan iha komponente balun hare negativu nomos iha balun simu positivamente ba desizaun ne'e.

Ironis liu mak, husi polemika ne'ebe lao iha balun mos laos deit foti kestaun desizaun nudar kauza maibe foti fali problema statuto juiz presidente ne'ebe foti desizaun ba kazu FEE, no mudanza husi konselho superior magistratura judicial hodi hakotu kontratu juiz internacional ne'ebe tama iha juiz koletivu.

JSMP hare katak desizaun TR maske komponente balun bele dehan katak nudar desizaun kontroversial, maibe karik halo analiza klean liu ba substansia legal iha petitum labele nega katak desizaun ne'e mos halo ho deliberaun ne'ebe profundo bazeia ba lei aplikavel. Deliberasoens refere liu liu iha relasaun ho kompentensia halao fiskalizasaun bazeia ba konstituisaun katak ezekuzaun orsamentu sei iha fiskalizasaun husi Tribunal Superior administrasaun fiscal no kontas<sup>3</sup>, tanba de factu tribunal refere seidauk estabese entaun TR iha

---

<sup>2</sup> Timor Post, loron 07 Janeiru 2009, p. 12

<sup>3</sup> Artigu 145 versiklu 3 Konstituisaun RDTL

kompetensia atu prosesa requerimentu ba FEE bazea ba artigu 164 Konstituisaun<sup>4</sup>.

Iha aktualizasaun justisa ne'e, JSMP limita an atu fo deit opiniaun kona ba to'o iha ne'ebe legitimidade legal ka forsa legal ne'ebe TR hatun no to'o iha ne'ebe komponentes nasaun respeita no tane aas supremasaun legal nomos konsidera katak desizaun ne'ebe tribunal hatun ona tenki kumpri tuir duni no konsidera katak desizaun tribunal nia kbi'it aas liu desizaun autoridades sira seluk nian tuir buat ne'ebe konsagra ona iha lei inan<sup>5</sup> (konstituisaun RDTL).

Bazeia ba faktus legal iha leten, JSMP koko hodi fo opiniaun ba artigus ne'ebe temi ona iha leten no nudar baze ba requerimentu no deliberaun ba desizaun Tribunal Rekursu. Opiniaun legal JSMP so refere deit ba lei aplikavel.

Wainhira TR deside katak FEE inkonstitusional no illegal portantu lojikamente tuir lei em prinsipiu autoridade kompentente ne'ebe iha responsabilidades tomak laos governu nudar parte ezeutor orsamentu, maibe PN ne'ebe mak aprova ou simu proposta orsamental ne'ebe governu hato'o ba.. Tan sa mak nune'e? Tanba antes PN aprova proposta orsamental tuir lolos hare no tetu didiak uluk lai leis ne'ebe iha relevansia ho proposta ne'e (Konstituisaun & Lei Fundu Petroleu). Ironicalliu karik orgaun legislativu (produs leis) ne'ebe halo aprovasaun ba orsamentu/fundus viola fila fali konstituisaun no leis relevantes. Em prinsipiu PN iha kompetensia hodi halao aprovasaun ba proposta FEE husi governu maibe tenki halo uluk amandemen ba lei relevantes hodi nune'e sei la viola ou pelu kontrariu ba aplikasaun leis.

---

<sup>4</sup> Artigu 164 Konstituisaun RDTL regula kona ba kompetensia tempo-leet tribunal supreme justisa

<sup>5</sup>Artigu 118 versiklu (3) Konstituisaun RDTL.

Presiza mos hatene katak em prinsipiu no bazea ba konstituisaun RDTL wainhira halao sira nia k'nar (foti desizaun ) juiz sira independente no sira bele halo tuir deit buat ne'ebe iha lei inan, lei oan no mos tuir sira nia konsiensia.<sup>6</sup>. Prinsipiu ida ne'e bele resposta opiniaun balun kona ba kazu FEE ne'ebe salenta katak tuir lolos juiz TR mos halao deliberaun nesesidades sosiais ne'ebe povu TL enfrenta iha tempo agora dadauk. JSMP hanoin katak opiniaun ida ne'e labele simu tuir lei no pelu kontrariu ho prinsipiu juridika no konstituisaun.

Wainhira hari'i ate agora, JSMP asiste eventua falta de komprimisu husi autoridade ezeutivu ne'ebe la kumpre desizaun ne'ebe tribunal hatun (Judikativo). Katak falta de komprimisu husi autoridade ezeutivu ou la kumpri desizaun tribunal laos foin pela primeira vez akontese iha sistema judisial TL maibe akontese dala barak ona iha periodu-periodu uluk kedas hanesan akontese ba kazu kazu besi tua, kazu border control 2003 nomos kazu apreensaun osan SDSB iha tinan 2003.

Atu hetan informasaun kle'an kontaktu:

Roberto da Costa Pacheco

Koordenador Peskizador Juridiku, JSMP

Enderesu e-mail: [bebeto@jsmp.minihub.org](mailto:bebeto@jsmp.minihub.org)

Telefone: 3323883

---

<sup>6</sup> Artigu 121 versiklu (2) Konstituisaun RDTL